


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-100	Al-'Aadiyaat	11	1	Makkiyyah	Ke-14	2





### **Zaman Diturunkan**

Surah al-`Aadiyaat juga termasuk dalam surah yang diturunkan pada peringkat permulaan kehidupan Rasulullah s.a.w. di Mekah di antara tahun ke-1 hingga tahun ke-3 Kenabian. Pada ketika itu kebanyakan surah-surah yang diturunkan kepada Rasulullah mempunyai nilai kesusasteraan yang sangat tinggi, ringkas, kemas dan padat.

### **Perkaitan Surah Al-`Aadiyaat Dengan Surah Sebelum Dan Selepasnya**

1. Surah az-Zilzaal menyebutkan tentang bagaimana amalan baik dan buruk manusia ditunjukkan pada hari kiamat, di dalam Surah al-`Aadiyaat ini pula dinyatakan bahawa manusia janganlah bersikap كُنُود (tidak bersyukur). Amalan-amalan yang baik boleh dilakukan oleh manusia jika ia mahu, manusia juga boleh menghindarkan dirinya daripada sifat bakhil, tamakkan harta dunia dan cintakan dunia.
2. Di dalam Surah al-Qari`ah akan datang diberi galakan supaya memperbanyakkan amalan-amalan yang baik supaya di dalam timbangan di akhirat nanti daun neraca amalan-amalan yang baik lebih berat daripada daun neraca amalan-amalan yang buruk.

### **Beberapa Kata Kunci Dan Tema Utama Surah**

1. العاديات bererti kuda-kuda yang berlari dengan pantas.
2. ضَبْحُ Bunyi suara kuda yang berlari.
3. الموريات Kuda-kuda yang memercikkan bunga api dengan pukulan kuku kakinya.
4. قَذَا batu api yang digunakan untuk mengeluarkan api.
5. المغيرات kuda-kuda yang menyerbu kumpulan musuh dengan tiba-tiba.
6. نَفْع debu-debu yang berkilat-kilat. فَأَثَرْنَ بِهِ نَقْعًا maksud به ialah بَعْدُو (dengan larinya yang laju itu ia menerbangkan debu-debu yang berkilat-kilat). فَوَسَطْنَ بِهِ جَمْعًا yang dimaksudkan dengan به ialah dalam keadaan berdebu dan berasap itu ia merempuh pihak musuh.
7. كُنُود tidak bersyukur.
8. خَيْر harta kekayaan.